



Cumün da Valsot

Tel. +41 (0)81 861 00 60 • Fax +41 (0)81 861 00 61 • info@valsot.ch • www.valsot.ch

Poz 86 • CH-7556 Ramosch

Affischa

Suprastanza cumünala dals 19.10.2015

Presidi: Peer-Puorger Victor

Partecipant/s: Mayer-Schlegel Armon
Molinaro-Andry Mario
Notegen-Melcher Men
Riatsch-Fedi Fadri

Protocol: Luzzi-Barblan Georg

Fabrica: Paulmichl-Rodigari Albin

tractandas	tema	responsabel
138	012 Executiva Acconsentimaint protocol	tuots
139	020 Administraziun cumünala Preventiv 2016 Investiziuns 2016	vp/ap
140	800 Alps e pas-chs Meglioraziun Ramosch Fittanza da las novas parcelas in posses dal cumün	vp
141	810 Administraziun forestala Proget uffizi forestal Valsot Andamaint dal proget / decisiuns	am/mn
142	840 Industria e commerzi Piz Tschütta SA; posiziun dal cumün Posiziun dal cumün a regard l'andamaint da la chasa Piz Tschütta a Vnà	vp
143	740 Sunteri e sepultüras Dumonda famiglia Famos e Nef, reg. fossa da dna. Luisa Famos e sar Chasper Thun	vp
144	021 Administraziun da fabrica Vendita da la chasa no. 49 a Tschlin; dumonda da sar Not Vital	vp
145	021 Administraziun da fabrica Dum. da fabrica no. 062/2015, Annex provisoric per muvel, Casura Corsin, ap Parcella 10378, Pramaria	ap
146	021 Administraziun da fabrica Dum. da fabrica no. 061/2015, Chamonna da üert, Albertin-Näff Gian Marco, ap Parcella 219, Barga	ap
147	021 Administraziun da fabrica Dum. da fabrica no. 059/2015, Suost per autos da posta, Alfred Laurent SA, ap Parcella 341, Pulvetta	ap
148	021 Administraziun da fabrica Dum. da fabrica no. 058/2015, Terrassa fatschada süd, Lingenhag-Carnot ap Armon, Parcella 464, Seraplana	ap

149	021 Administraziun da fabrica Dum. da fabrica no. 032/2015, Fabrichar oura chasa e tablà, Mathieu-Frick ap Nicola, Parcella 192, Plaz	
150	650 Trafic local e regiunal Adattamaint via chantunala a Strada	vp
151	012 Executiva Orientaziuns	tuots
152	012 Executiva Varia (suprastanza cumünala)	tuots

012 Executiva

138 **Acconsentiment protocol**

Il protocol dals 16.09.2015 vegn approvà. Il capo propuona da tour sün ün'ulteriura tractanda „Via chantunala a Strada“. La suprastanza es perincletta.

020 Administraziun cumünala

139 **Preventiv 2016**

Investiziuns 2016

Il manader tecnic ha stipulà ün sböz a regard las investiziuns previsas pel on 2016. La direcziun ha trattà quista lista provisorica. Il böt da quista tractanda es, cha la suprastanza dess tour posiziun in merit. Eventual vegnan pro amo ulteriuras posiziuns chi füssan urgiaintas da realisar il prossem on. Per ils progets previs dessan alura gnir analisats ils cuosts (offertas, perizias, calculaziuns eui.). Progets previs ; Inchaschamaints funtan, 2. etappa via Bügl Grond – Plaz a Vnà, infrastruttura Stradella a Vnà, infrastruttura parcellas Fallun a Ramosch, halla da pumpiers Ramosch, tualetta Favgia a Tschlin, chasa Bun Tschlin a Tschlin, tualetta e duscha da l'alp Tea Suot a Tschlin, nouv auto per la gestiun dals provedimaints. Sper las investiziuns orientescha il manader tecnic eir che chi'd es previs da progettar dal 2016 per realisar dal 2017.

Mario Molinaro ed Armon Mayer infuorman cha'l corp da pumpiers prevezza in november 2015 ün exercizi insembel cullas scoulas (evacuaziun da las scoulas a Ramosch e Strada). Investiziuns nu sun previsas ingünas.

Men Notegen infuorma chi füss ideal a tour davent il mür da beton lung la piazza da ballapè a Strada, quai our da motivs da sgürezza. Il manader tecnic piglia suot ögl la situaziun. Eir pro la chamonna a Pradatsch (Vnà) dess gnir analisà la situaziun.

800 Alps e pas-chs

140 **Meglioraziun Ramosch**

Fittanza da las novas parcellas in posses dal cumün

Il cumün es in posses da singulas parcellas agriculas. La suprastanza cumünala decida da fittar quellas a possessurs da las parcellas vaschinas (fr./ara 1.00). Il cumün nu dess publicar e fittar a quel chi paja il plü bier fit. Excepziunadamaing dessan gnir scrittas oura las parcellas plü grondas sainza sfrüaders vaschins aint illa fracziun da Ramosch. Tanter interessents vain trat la büs-cha.

810 Administraziun forestala

141 **Proget uffizi forestal Valsot**

Andamaint dal proget / decisiuns

In vista a la piazza vacanta d'ün silvicultur esa important a savair co chi guarda oura il proget dal uffizi forestal. Il cumün da Valsot sto, tenor il chantun, ingaschar silviculturs cun ün pensum da 160%. Schi vegn però ad üna stretta collavuraziun cun cumüns vaschins, schi's pudessa augmentar il pensum.

Armon Mayer ha tramiss ouravant a tuot ils suprastants il proget da gestiun elavurà da la cumischiun. El piglia cuort posiziun sur dal proget. In general dess gnir in quist connex eir analisà che personal chi fa dabsögn per chi funcziuna la gestiun forestala.

840 Industria e commerzi

142 **Piz Tschütta SA; posiziun dal cumün**

Posiziun dal cumün a regard l'andamaint da la chasa Piz Tschütta a Vnà

La suprastanza cumünala es statta invidada sül hotel Piz Tschütta a Vnà per as laschar infuormar sur dal stadi actual dal hotel e da lur finanzas. Causa chi nu staiva avant ingüna sezzüda da la suprastanza ha la suprastanza tut posiziun sün via electronica e nö in üna sezzüda ordinaria. Quist fat ha il president da la Piz Tschütta SA critichà e pretais cha la suprastanza stopcha trattar quista chosa ad üna sezzüda da suprastanza ordinaria per cha la populaziun gnia a savair sur da la decisiun. Quista pretaisa es gnüda para davart da divers acziunaris. Ils acziunaris domiciliats a Valsot han il dret d'avair invista pro'l cumün sur dal andamaint da quista decisiun. La direcziun ha tut posiziun per scrit sün las imnatschas dal president dal cussagl administrativ da la Piz Tschütta SA.

740 Sunteri e sepultüras

143 Dumonda famiglia Famos e Nef, reg. fossa da dna. Luisa Famos e sar Chasper Thun

La supranza decida da laschar metter ils monumaints da la fossa da duonna Luisa Famos (scriptura) e sar Chasper Thun (passa 50 ons caluoster a Ramosch) pro la baselgia a Ramosch. Permis es unic il spostamaint dals monumaints.

021 Administraziun da fabrica

144 Vendita da la chasa no. 49 a Tschlin; dumonda da sar Not Vital

Sar Not Vital ha inoltrà pro'l cumün la dumonda per vender sia chasa a Tschlin. Il cumün da Tschlin avaiva da seis temp stipulà ün « revers » cun sar Vital. Sar Not Vital vül vender la chasa per comprar il chastè da Tarasp. La supranza cumünala acconsentischa il revers, vül dir cha la chasa possa gnir vendüda sco 2. abitaziun. Il revers prevezza cha sar Vital stopcha pajar al cumün 15% dad 1/3 da la valur dal stabilimaint (indexada).

021 Administraziun da fabrica

145 Dum. da fabrica no. 062/2015, Annex provisoric per muvel, Casura Corsin, Parcella 10378, Pramaria

Corsin Casura ha inoltrà üna dumonda per far ün suost provisoric per sur inviern. Las circumstanzas per realisar quist intent es avantman (foura da zocca, lö per laschar magliar eui.). La permissa vegn concessa per 6 mais.

021 Administraziun da fabrica

146 Dum. da fabrica no. 061/2015, Chamonna da üert, Albertin-Näff Gian Marco, Parcella 219, Barga

Gian Marco Albertin ha inoltrà üna dumonda per fabricar üna chamonna da jert. Las distanzas sun in uorden els vaschins sun perinclets. La supranza conceda il permis.

021 Administraziun da fabrica

147 Dum. da fabrica no. 059/2015, Suost per autos da posta, Alfred Laurent SA, Parcella 341, Pulvetta

La ditta A. Laurent SA ha inoltrà üna dumonda per fabricar ün suost per 2 autos da posta. Els prevezzan da fabricar tal suost sün lur parcella a Pulvetta. Las masüras e distanzas sun in uorden. Il vial süllas parcellas dess gnir defini sün 5 meters largezza. La supranza cumünala conceda il permis.

021 Administraziun da fabrica

148 Dum. da fabrica no. 058/2015, Terrassa fatschada süd, Lingenhag-Carnot Armon, Parcella 464, Seraplana

La famiglia Armon ed Angela Lingenhag-Carnot ha inoltrà la dumonda per fabricar oura resp. ingrandir la terrassa existent. La supranza cumünala acconsentischa il permis.

021 Administraziun da fabrica

149 Dum. da fabrica no. 032/2015, Fabricar oura chasa e tablà, Mathieu-Frick Nicola, Parcella 192, Plaz

La famiglia N. e A. Mathieu ha inoltrà üna dumonda da princip per fabricar oura la chasa ed üna gronda garascha a Plaz, Ramosch (zona da cumün vegl). Pro quista chasa esa important cha'l purtret da la piazza vegna mantgnüda resp. s'affà cul purtret general da la piazza. Els han analisà diversas variantas e gnüts a la conclusiun cha la megldra varianta füss da strar giò la chasa cumplettamaing e far sü da nouv, ma mantegner l'aspet e las masüras existents. La supranza es da princip perinclet cun quista varianta e propuona ad els da proseguir cun quist projet.

650 Trafic local e regional

150 **Adattamaint via chantunala a Strada**

L'uffizi da construcziun Bassa dal chantun han inoltrà üna dumonda per far adattamaints a regard la partiziun da la via chantunala a Strada. La suprastanza piglia cogniziun dals müdamaints ed acconsentischa tals. Cun quist müdamaint vegn corret ün sbagli chi d'eira inscrit da seis temp il cudesch fundiari.

012 Executiva

151 **Orientaziuns**

Sar Silvio Gallo ha construi la fatschada da sia chasa oter sco concess cul permis. Prosmamaing avarà lö la collaudaziun. In quel occasiun piglia il cumün posiziun sün quist fat.

Il capo infuorma cha sar Max Poltera es gnü amalà e nu lavura plü pro'l uffizi per cumüns dal chantun Grischun. El ha scrit üna charta ed ingrazchà per la fich buna collavuraziun. Il cumün scriva eir ad el üna charta d'ingrazchamaint.

012 Executiva

152 **Varia (suprastanza cumünala)**

Il capo infuorma cha la suprastanza dess discuter ad üna prosma sezzüda sur da la proposta da Duri Janett a regard üna sezzüda da reflexiun pel cumün. Fadri Riatsch infuorma sur dal stadi actual da la fundaziun da Vnà. Divers commembers sortan da la fundaziun ed uossa esa important chi's chatta eir in avegnir persunas chi sun prontas da s'ingaschar. Per finir infuorma il capo sur da la situaziun a regard la fittanza dal tir da 10 m a la nouva società da tir da 10 m Valsot.

7556 Ramosch, 21.10.2015



Il capo:

Il manader administraziun: